

آبونه شرائطی

داخلی، خارجی و مریراچون
سنه لکی (۲۵۰)، آلتی آلتی
(۱۳۰) فروشدر.

نسخه سی و فروش،
سنه لکی ۵۲ نسخه در

اداره خانه

باب عالی قارشنو سنده دائره مخصوصه
اخطارات

آبونه بدلی بشیندر

مسلكه موافق آثار مع الممنونیه
قبول اولنور. درج ایدله یین
یازیلر اعاده اولونماز

والله یهدی من یشاء الی صراط مستقیم

محمد عاكف

اشرف ادیب

صاحب و مدیر مسئول

باش محرر

دینی، فلسفی، علمی، ادبی هفته لاق مجموعه اسلامیه در



الکشاف

اخطارات

ادرس تبدیلنده آبرجه بشن
غرونی کوندرالمیدر

مکتوبلرله امضالری واضح
واولوناقیل اولسی و آبونه صبره
نومروسی محتوی بولمسی
لازمدر

عمالک اجنبیه ایچون آبونه اولانلرله
آدرس لری نلک فرالیزجه ده یازلمسی
رجا اولنور

یاره کوندرلیدیکی زمانه نهیه دائر
اولدینن واجتعا بیلدیرلمسی
رجا اولنور

اتبعون اهدکم سبیل الرشاد

عدد: ۴۶۳

۱۶ شعبان ۱۳۳۸

پنجشنبه

۶ مایس ۱۳۳۶

جلد ۱۸

نظر ایتدیکه وقت قرآنی آکلامق و قرآنک نه دیدیکنی اوکره نمک مقصدیه نظر ایتلی . یوقسه ابن حجرک نه دیدیکنی آکلامق مقصدیه دکل . بویکنجی طریقده زمانه محتاجدر .

۳) یاخود جمهورک نظرینی ، اهل طریقتک یابدینی کی ، اوخوابک فوقه چقارهرق اوستندن قرآنی کوستروب قرآنک خالص مالن یالکیز اوندن ایسته مک وبالواسطه اولان احکامی واسطه دن آرامقدر . برعالم شریعتک وعظنه نسبه برطریقت شیخک وعظنده کی اولان حلاوت وجاذبیت بوسردن نشأت ایدر .

امور مقررده دن درکه افکار عامه نک برشیته ویردیکی مکافات ، کوستردیکی رغبت وتوجه اکثریا اوشینک کالنه نسبه دکلدر ؛ بلکه اوکا درجه احتیاج نسبتده در . بر ساعتجینک بر علامه دن زیاده اجرت آلمی بونی تأیید ایدر . اگر جماعات اسلامیه نک حاجات ضروریه دینیسی بالذات قرآنه متوجه اولسه یدنی اوکتاب مبین میلیونلرجه کتابلره تقسیم اولونان رغبتدن دهها شدید بررغبته ، احتیاج نتیجه سی اولان بر توجه مظهر اولور وبوصورتله نفوس اوزرنده بوتون معناسیله حاکم و نافذ اولوردی . یالکیز تلاوتیله تبرک اولونان بر مبارک درجه سنده قالمالزدی .

بونکله برابر ضروریات دینی نی مسائل جزئیته فرعیته خلافیه ایله مزج ایدوب اوکا تابع کی قیلمقده بویوک برخطر وارددر . زیرا «مصوبه» [۱] نک مخالفی اولان «تخطئه» جیلردن بری دیرکه : «مذهب حقدر ؛ خطا احتمالی وار . باشقه مذهب خطادر ؛ صوابه احتمالی وار .» حال بوکه جمهور عوام مذهبده امتزاج ایتش اولان ضروریاتی نظریات اجتهدیه دن واضحاً تمیز ایتدیکندن سهواً ویا وهماً تخطئه نی فی الجمله تشمیل ایده بیلیر . بویاسه خطر عظیمدر . بنجه تخطئه سی حب نفسدن نشأت ایدن «انحصار ذهنیت» علتیله معلولدر . وقرآنک جامعیتدن وعموم طبقات بشره شمول خطابندن غفلتله مسئولدر . هم تخطئه جیلک فکری سوء ظن و طرفگیری حسنک منبی اولدیغندن اسلامده لازم اولان تساند ارواح ، توحید قلوب ، تحاب و تعاونه بویوک رخنه لر آچمشدر . حال بوکه حسن ظنله ، محبت و وحدتله مأمورر .

بو مسئله نی یازدقدن برآز زمان صکره برکیجه رؤیاده جناب پیغمبر صلی الله علیه وسلم افندیزی کوردیم . بر مدرسه ده حضور سماعتده بولونیوردیم . جناب پیغمبر بکا قرآندن درس ویره جکلردی . قرآنی کتیردکاری صیره ده حضرت پیغمبر صلی الله علیه وسلم افندیز قرآنه احتراماً قیام بویوردیلر . اودقیقه ده شو قیامک امتی ارشاد ایچون اولدینی بردن خاطر مه کلدی .

[۱] درت مذهبده حقدر ؛ فروغنده حق تمیز ایدر ، دینلره علم اصول اصطلاحجه (مصوبه) دینیر .

بالآخره بورویایی صلحای امتدن برذاته حکایه ایتدم . شوصورتله تمیز ایتدی :

— بو بویوک بر اشارت وبشارتدرکه قرآن لایق اولدینی موقع معلابی بوتون جهانده احراز ایده جکلدر .

بدیع الزمان

سبیل



مسلمانلرک تمامیه تطبیق زمانی کلشدر

شیمدی یه قدر فلاکتدن فلاکت سوروکلنمکدن بردرلوقورتوله میان شوممعصوم ملت نظرنده ماهیتی غیر معلوم برشی قالدیغندن زمانک نه تجربه ، نه ده ترددله امراره اصلاً مساعدیه سی اولمادیغنه وتطبیقات دورینک چوقدن حلول ایتدیکنه اعتماد عمومی برکالدر .

بوندنصکره اتخاذ ایده جکلر طرز حرکتک ماهیتی تعین بحی قالیرکه ، بونی دم هرآن وزمانده افکار وآرزوی عمومیده آرامق لازمکلیر .

امت اسلامیه نک تعالی وترقی به طوغری خطوه انداز ایلدی ، حیات اجتماعی وسیاسیه سنده اساسات اسلامیه نک حکمران اولسی وبومقصدک حصولی ایسه مشترک ومنتظم برمساعینک وجود کتیرلسی یولندکی ارزوی عمومینک برآن اول تطمین وبوصورتله هیئت عمومیته نک بر نقطه ده برلشمسیله قابل اولدیغنی یته بوعحیفه لرده مکرراً ایضاح ایتش ایدک . کیم نه دیرایسه دیسون ، شیمدی یه قدر هیچ بروقت نظر اهمیته آلمیان واک زیاده لازم الاتباع اولان بوآرزوی عمومی مسئله سنده بر قاج ثانیه توقفه تنزل ایدلماشدر . خصوص مذکور نه زمان وهرهانیکی طرفدن درمیان ایدیلیر ایسه ایدلسون ، در حال بردوداق بوکمیله برابر اکثر خلقک جهلندن بختله شایان اهمیت اولمادیغنی ایما ایدلشدر .

هیچ دوشونیلیمورمی که بوکون دولتک قوت وقدرنی تأمین ایدن بواکثریتک مقصدی حصول بولمقده رفاه وسمادت عامه نک حصولی ممکن ومیسر اوله من . اشخاصک منافع خسیسه سی واجتهادات شخصیسه سی ایله امت اسلامیه نک اموری تی تدویر فالتشقیق منفعت برینه مضرتی انتاج ایدر .

امت اسلامیه نک تاریخی هر نه زمان نظر امعانه آلیسه ، لایمده قهرمانلق وفداکارلغک آثار مبعجله سی کورولور . فقط شونی ده نظر دقته آلمیدرکه بو قهرمانلقلر دیندار و عزیمکار رجالک کیاست و اخلاصله برضاییه وصول ایچون هر امورده توحید مساعی وحرکات ایتلریله ظهوره کلشدر .

اوزاغه کیتکه نه حاجت؟ دونکی حربك یقین بر نقطه ده کوستردیکی دینی تحریکاتدن طوغان بر قاجکونلک غضنفرانه صولتک استقباله شاهدی بنه تاریخ اوله جقدر .

بونلک سینه سی بلکه حربدن بیتابدر . فقط روحی هیچ بروقت اولدورولسامش اولدیریلیمیه جکدر . قلبی اوزرینه چوکن اوافق یأس واضطراب ایسه امنیت واعتماد عمومی قزائمش ذوات فاضله نك نقاط آنه یه عرض انظار اهمیت ایلدیکی کون زائل اوله جنی بی شبهه در .

شیمدی یه قدر هرتشباتمزه عارض اولان عطالت و بطالت و بونک نتیجه طبیعیه سی اولان محرومیت مزمه سبب یکانه عد ایدیلان غنمات دینی و ملییه قارشو صاورولان بهتانلرک بوکونکی سونوکلکی پک آشکار بر صورتده مرئیدر .

حقیقی ایسه ایکی عصری متجاوز بر زماندنبری امته رهبرلک ایدنلرک قلبندن دین و ملیته قارشو محبتک زوالنده و احکام دینییه نك تطبیقی خصوصنده کوستریلن اهلده آراملیدر .

بدایت مشروطیتدنبری بو حالک دهها زیاده ترقی و تعمیم ایتدیکنه بوکونکی قوت و قدرتسرلکمزدن بشقه دلیل حاجت کوریله من . دیندن استفاضه حقیقت ایتمیان بر رهبره ، حق هیچ بروقت توفیقی رفیق ایتمز . هر حال و حرکتی حقه مدیون و معتقد اولمیان انسانندن ایسه منفعت عمومی نامنه خیر بکنه من . شخصی اجتهاد و حرکتلرک نمره سی محدود اولور ، منفعتی اولسه ده شخصه عائد قالیر ، عموم نامنه قطعاً نافع و مؤثر اوله من . عمومک منفعتی تأمین ایده جک قوت برغایه آلتنده توحیدی آرزو و برنامه حرکت ایدن ملندن طوفار .

قومیتی منع ایدن بر دینه سالك اولان بو خلقلک ایسه حرکت ایده جکی نام انجیق حقیقی و نام معناسیله (اسلامیت) اوله بیلور . بوکونکی تفرقه بی طوغوران عاملک (قومیت) دستوری اولدیغنه نه شبهه ؟

منحصراً قومیت نامنه حرکت ایدن ملتلرک عاقبت نتیجه لرینک وجود اسلامده آجدینی جریحه لرک تدایوسی تأمین ایده جک عامل و مؤثر ، یاییلان خطیئاتدن اظهار ندامتله احکام جلیلی اجمال اولنان بودن مالی یه عودتله ممکن اوله بیلور .

کوچک و بویوک هر بر خطاسی مدرك وجقه قارشو معترف اولان بر قومه مصائب عارض اولسی بعد الاحتمالدر .

بو خصوصده بزم عصرلردن بری تراکم ایدن کناهلر من پک چوقدر . مسلمانلق دعواسنده بولوندیغمز حالده کون کجکجه مسلمانلقدن اوزاقلاشدق . قرآنک احکامی یالکمز مصحفلرده یازیلی قللیدی . او احکام جلیله یی - هیچ برنی استثنایتمکسزین - حرفیاً تطبیقی ایتمک امت اسلامیه ایچون فرض قطعی دکلیدر ؟ قرآن جلیل یالکمز نمازک ، اوروجک فرض اولدیغنی کوسترمیور . اونک کی دهها

نیجه احکام سیاسیة واجتماعیه واردر که هر بری عینی درجه ده وجوب افاده ایدیور . بزا یسه او اوامر قرآنیه نك هیچ برنی نظر دفته المادیق ، اونلری بر واعظک سوزی درجه سنده طوتمقدن هیچ صقیلمادیق . اگر ، یالان سویلیورسم ایشته قرآن میدانده در . هیچ بر حرفی تحریفه اوغرامامشدر . اونک قارشوسنده بزم افصالمزده میدانده در . مقایسه ایدیکمز ، اووقت بزم مسلمانلغمزک ماهیتی میدانه چیقار . قرآنک نهی ایتدیکی نه قدر منکرات وارسه همان بلا استثنایتمکسزین ارتکاب و اجرا ایدیور . قرآنک امر ایتدیکی حیات اجتماعیة اسلامیه ، بنیان سیاسی ملیه نروده ؟ کوز بویا حقیقه انجیق کندی کندیمیزی آلدانه بیلیر . قرآنک دستورلری قطعیدر . سنت الهیه ایچون تبدل یوقدر . «ان الله لا یغیر ما بقوم حتی یرزوا» ما بانفسهم ، بزم دوچار اولدیغمز فلاکتلر هب کندی الارمزله حاضرلادیغمز مصائبدر . هیچ کیمسه یه لوم ایتمک طوغورو دکلدر . قبالتک اصل منشائی هر کس نفسنده آراملیدر . فلاحتک مبدای بودر . یکدیگر من قارشو تحمیل جرائم ایتمک طریق غفلت و ضلالتدن هنوز آیریلادیغمیزی کوسترر . دنیاده الک مذموم برشی وارسه اوده یالانجیلقدر ، ریادر ، نفاقدر . بودن جلیل صدق و استقامت اوزرینه قورولمشدر . حضرت پیغمبرک الله بویوک سرمایه سی صدقیدر . دشمنلری بیله بو خصوصده اعترافدن باشقه برشیته جسارت ایدامه مشدر . اوسایه ده در که اسلامیت آز زمانده کونش کی جهانی قابلا دی . بزمه مسلمانلق دعواسنده بولونیور ایسه ک عینی طریق صدق و استقامتی تعقیب ایتملی یز . با قام مناسبله مسلمان اولملی یز ، یا خود بودعوادن ، واز کجملی یز . بویا کیستک آره سی نفاقدر ، که جناب حق بزی بوندن شدتله منع ایتمشدر . قرآنک باش طرفنده کفردن ایکی آیتده بحث اولونیور . فقط نفاقدن بحث ایدن آیتلر صحیفه لر طولوسیدر . بونک البته بر حکمت جلیله یی واردر . بوندن تعامی ایتمک انصافسزلقدردر .

اونک ایچون بن دیورم که بزم عصرلردنبری تراکم ایدن کناهلر من پک چوقدر . هرشیدن اول بزم ایچون لازم اولان سینا تمزمه توبه ایتمشدر . شمدی یه قدر کوتدیکمز دعواده صادق اولمادیغمیزی اعتراف ایتملی یز . بونی یادیغمز کون فلاح باشلامش دیتمکدر . کندیسندن پک زیاده اوزاقلاشدیغمز قرآن جلیله ، سنت رسوله درت ال ایله یایشمق زمانی حلول ایتمشدر . بزی قورتاره جق انجیق بودر : حقیقی مسلمانلق . بزم دستور اساسیمز قرآندر . اوکا مخالف هیچ برشی معتبر دکلدر . اوکا موافق هرشی معتبردر . اونک هر امری اجرا اولمق ایچون ، نهی ده منع ایدیلک ایچون نازل اولمشدر .

حقیقی مسلمانلر اونلردر که قرآنک بلا استثنایتمکسزین اجرا هر نهی منع ایدرلر .

ایشته امتک فلاحی یالکمز بو نقطه ده در . دعوا مزده صادق اولدیغمیزی اثبات ایتدی که نصرت الهیه بزدن منقطعدر . مسلمانلق ، منتسبلرندن

ایمان نام ایستد، صدق و خلوص ایستد. جناب حقك مؤمنلره - اللهك
نقصد ایتمدیكى معنا ایله مؤمن اولانلره - موعود اولان مكافاته نائلیت
ایچون بوندن باشقه چاره یوقدر. عصرلردن بری در ذلت و مصائب
ایچنده ازیلدك، دها بیکلرجه عصر باشمزی طاشدن اورسوق
قرآنه رجوع ایتمدیکه هیچ بر فائده سی یوقدر. «ولن تجد لسنة الله
تبدیلا» - میلیونلر دکل، میاسارلرجه بشر بو دستور ازلی الهی یی
دکشدیرمز. بختیار او امتلردرکه هدایت الهیه اولره یتیشمشدر.

آماصری :

مصطفیٰ نظامی



فرائق مسئله سی حقنده

رار الحکم الاسلامیه اعضاسنیده راسم افندیك نظامی عظیمی

- ۶ -

بوندن اولکی مقاله مزده «تمنی» و «امیه» کله لری قرأ و قرائت
معناسی ایله تفسیر ایدیلدیکنه کوره آیتلرک معنایلی، توجیهلری
تفصیلاً ایضاح ایدرک بو آیتلرک قصه معهوده ایله هیچ بر صورتله
مناسبتی اولمادیکی کوسریلشدی.

شیمدی برده «تمنی» و «امیه» کله لری معنای معروفلری
اوزره حمل ایدرک معنای آتی بو صورتله توجیه ایدلم.

صحیح بخاریده مذکور اولدینی اوزره ابن عباسدن «تمنی»
و «امیه» حدیث، ایله روایت اولونمشدر. حدیث دن مقصد
ایسه «حدیث نفس» در، فکریمیزک عبارته نفسیه سی حکمنده اولان
کلام باطنی در. ابوالعباس احمد ابن یحیی ایله ابن الاثیردن ده «تمنی»
حدیث نفس ایله، امر مرغوبک حصولی تشهی ایله روایت ایدیلکده در.
قاموسک بیسانه کورده ده «تمنی» بریشی دیلمک، اومق، متخیله ده
تقدیر و تصویر ایتمکدر. امیه ده اومولان و تمنی اولسان آرزو
و مقصوددر. شو حالده آیت کریمه، هر نبی و رسولک آرزو و تمنی
اولدینی، و بوکا قارشیده شیطانک دائماً القا آتده بولوندیغنی و جناب
حقك القات شیطانیه یی نسخ ایدرک کندی آیاتی نبی و رسوللرینک
دعوالری تحکیم ایله دیکنی بیلدیر یور.

عجبا هر نبی و رسولک بر امیه سی، بر آرزوی واری ایدی و بو
امیه نهدن عبارت ایدی؟ شمدی بو جهتی ایضاح ایدلم: هیچ شبهه
یوق که: جناب حق ناسی طریق هدایته سوق ایچون نه قدر رسول،
نه قدر نبی ارسال بیورمش ایسه اولرک هپسندده قوملری حقنده بر
امیه، بر آرزو وار ایدی. هر آن قوملرینک کندیلرینه اتباع و دعوت
ایله دکلی حقایی قبول ایلملری، ظلمات شرکدن چیره رق نور

توحید ایله دائرة هدایت کورمه لری، کتب الهیه و احکام دینییه ایله
شفایاب اولملری، بسوزلرینه اجابته هوساتلردن واز کچمه لری،
خلاصه جناب حقدن کتیرمش اولدقلمی شیرک هپسنه ایمان ایتملری
تمنی ایدیلورلردی. ایشسته انبیای کرامک، رسل عظامک الله بیوک
تمنی و آرزولری بو ایدی. قومک ایمانه، کندی رسالت و نبوتی
تصدیق ایله هر خصوصده کندیسسیله برابر اولملرینه حریص اولمیشان
هیچ بر رسول، هیچ بر نبی کله مشدر. شبهه ایتمیز که: اکل موجودات
اولان رسول اکرم صلی الله علیه وسلم اقدمز حضرتلری ده بو خصوصده
اک یوکسک بر مرتبه ده بولنیورلردی. یعنی قومک ایمانه پک زیاده
حریص ایدیلر. چونکه حقنده: «وما ارسلناک الا رحمة للعالمین»
بیورولان ذاتک بلا استثناء بوتون انسانلرک هدایتی آرزو ایتمی قدر
طبیعی برشی اولماز. عمومک هدایتی آرزو ایله دیکندن طولانی
پیغمبرک رضای الهییه مغایر بر حرکتده بولونمش اولسی نهدن لازم
کلسون؟ ذاتاً پیغمبرده اولان بو حرص و آرزوی قرآن واضح بر
صورته بیلدیر میورمی: «فلعلک باخع نفسك علی آثارهم ان لم
یؤمنوا بهذا الحديث اسفا»، «وما اکثر الناس ولو حرصت بمؤمنین»،
«افانت تکرم الناس حق یكونوا مؤمنین».

قومک ظلمات کفردن چیقارک دائرة هدایتی بولملری خصوصنده
رسول اکرم اقدمزده کی امانی و شدت آرزو اوزرینه دلالت ایدن
آیات کریمه اوقدر چوقدر که، اولری ذکر ایتمک موجب تطویل در.
بناء علیه پیغمبریمیزک بویولدمکی امیه سی بدیهی برشی در.

شوراسی ده انکاری غیر قابل بر حقیقت در که: بالجملة انبیای عظام،
رسل کرام حضراتی بر تفصیل ایضاح اولسان شو امیه سامیه ده
بولوندیقه شیطان اولک سییلنده عثرات القا ایلمش، کندیلری ایله
مقصدلری بیننده بر طاقم عقبات و موانع اقامه ایتمش در، ناسک قلیلرندده
القای وسوسه و شبهه ایدرک موهوبات الهیه اولان قوه عقل و احساس
ایله انتفاعی ناسدن سلب ایتمش، اولرده بو وسوس و شبهاته اتباع
ایدرک رسول و نبییه قارش قیام و رسولی مقصدندن چوریمک چالیشمشلر؛
اونکله معانده و محامله ایتمشدر و قرآن کریم بونی ده پک آجیق بر
صورته تصویر ایتمکده در: «وان الشیاطین لیوحون الی اولیاسهم
لیجادلوکم...»، «وکذلك جعلنا لکل نبی عدواً شیاطین الانس
والجن یوحی بعضهم الی بعض زخرف القول غروراً - قرآن حکیم».

دعوت هنوز بدایتده ایکن، یعنی رسولک اتباعی آرزو یارذیمیلری
ضعیف اولدینی زمانلرده اغواآت شیطانیه ایله اوکا قارش قیام ایدن
خصما قولایمجه احراز غالیبت ایدم بیلدکلی کورنجه آرتق حق کندی
طرفلرندده اولدینی ذهاب باطلنه قایلیدرلر، نبی ایله مقصدی بینته
القا ایدیلان عوائق کندیلری ایچون برفته اولیوردی. حق بزمه
برابر اولسه یدی البته غالب اولمازدق، البته الهی اوکاده یاردم ایدردی،
دی بهرک ضلالتلری بر قاندها محافظه ایتمیه چالیشیلردی.